

河南府縣志輯

中國地方志集成

宣統
嘉慶
光緒
民國
續修
范縣志
續編
志

中國地方志集成

河南府縣志輯 ②③

宣統濮州志

嘉慶范縣志

光緒范縣志續編

民國續修范縣志



上海書店 ● 巴蜀書社 ● 江蘇古籍出版社

續濮州志序

光緒戊申為我中國立憲之第一年是時朝野政令一新人人望治余承乏濮陽適值

上憲設調查局舉凡政教藝以及立法司法行政諸大端無不搜羅完備列表以陳濮州自乾隆後屢遭兵燹疊受河患圖書典籍蕩然無存以致各項要政

濮州志

卷之一

序

茫無可考夫國有史而郡邑有志所以記事而徵實也今濮州志百餘年來迄未一修非特簡策無存即向民間搜求一部舊志而亦幾不可得余滋懼焉州志文獻攸關若任其缺殘將久愈湮沒何以厚風俗而勵人心因謀之伊學博學博慨以倡導諸生為己任余亦約集七十二里父老告以續修州志為萬不

可緩之事咸樂集捐以助之乃由邑紳等聘定新城榮子凝先生為纂修余與伊學博咸參預焉余自愧學識孱薄何足與言續志然所以不敢推諉者以舊志散失如碩果僅存再歷數年恐愈無徵禮將失矣至續編成之倉猝採訪有未備立論有未確以俟異日博雅之君子再為增訂耳今因書告成又值宣統

濮州志

卷之二

序

紀元之日不可以不記是為序

宣統元年歲次己酉中和月上澣

欽加四品銜撫提部院營務處即補分府署

濮州事遼陽高士英華亭甫撰

續濮州志序

濮陽州乘萌芽於前明嘉靖間崑山張侯而實發達於萬厯間郡人李北山少卿也北山以瑰奇磊落之才著作等身仕途屯邇未獲盡展厥蘊一旦出其緒餘以成一州之志特龍爪豹斑之偶露耳然已超越羣乘矣其書規撫龍門而以北山野史殿後蓋倣太史公自序之例其文亦雲譎波譎不可方物於戲偉哉嗣是一續於我 朝康熙十一年督成者爲張侯實斗而編輯者則南周諸君也再續於康熙五十年督成者爲郅侯玠而編輯者則任君煥也三續於乾隆二十年督成者爲邵侯世昌而編輯者則山陰柴君也自是以來兵水迭遭文獻闕遺失續者蓋百五十餘年矣歲戊申州牧高侯華亭莅任建議續修而學博伊君復極力提倡於是諮商紳董定期開局是春新城縣志草成余曾與編輯之列伊君佩南謬以爲識途馬薦之當事於仲冬之月專函邀余襄辦余以謫陋固辭伊君太公乃殷懇再四且尅日催促就道不獲

濮州志

卷之一 序

三

已遂命駕抵濮披讀前志依門循軌逐類編輯四閱月爲今

上御極之元年仲春粗畧告竣夫三長無一僭附著述之林仰忝前賢續貂之譏知所不免然余以羈旅任此凡事據情直書自信無阿私之意見且有參校評議諸君匡其不逮或不至事實謬誤貽笑穢史也乎未可知也維時同事諸君任採訪者爲楊君壽榮彭君占元吳君清渠趙君連城高君鳴秋皮君玉衡田君子信張君效禹任校對者爲王君賢塏鞏君登岸蘇君鑒超祁君增硯王君賢基王君子亭范君紹曾王君振德任監修者爲南君佩莢張君秉泗鞏君振麟葛君樹杰任參議者爲山陰張君運升楊湖周君諾會稽章君壽萱南君佩芝王君賢增任繕寫者爲高君世傑張君瑞生葛君樹枏劉君建同力襄成例當備書爲序述其始末如右

宣統元年春二月

桓臺榮相鼎謹識

濮州志

卷之一 序

四

續濮州志序

國胄史記是胄志所引昭勸懲而勵心
心之濮自乾嘉以來屢遭兵水典籍淪
亡忠孝節義湮沒弗彰者曷可勝道由
是學麓不振習俗罔始皆以文廢廢徵
以故余丙午冬司鐸茲土值蚩方不靖
欲興文教而病由適荆門蔣侯提議續
修州志覓治本至計囑余堅任此叟嗣

濮州志

卷之一 序

五

以水旱不果充緒戊申適陽高侯司牧
是短政平訟理不數月以課最聞憫圖
藉散失慨然以續修莫已任命余倡導
諸生以襄厥吏又慮編纂稍不得心胄
站志乘俾紳董各舉所知胄以敝邑名
宿榮公子凝對者隨囑余走幣延請時
值嚴寒固辭不應嗣因家君藹交敦促
再三始驅車濮陽與諸生討論舊冊復

自乾隆甲戌以至宣統己酉總七百五

十四年更實編纂續志於凡分類攷所
高侯裁決於前余與諸生揚榷於後夫
勤夫慎惟東大公所幾不容心曲拘於
其間凡六閱月所書成噫濮志廢墜百
有餘年矣議修者累次來病於經費幾
出即病於任吏幾心不啻於考證幾據
即咎於編次不詳築室遺謀廷幾式成

濮州志

卷之一 序

六

不意今四官紳竭力籌措繼往昭來竟
克循懿軌而紹前烈焉雖蒐輯釐訂未
必毫髮闕遺然由此稽述古今政治之
變遷去遺心心止淳薄於化民成俗不
幾小補余忝與是役因殫述緣起且以
慶志書之胄遭云

在任候選知縣學正伊若珩佩南甫撰
宣統元年仲春

修濮州志序

自結繩易爲書契而記載日繁國有史家有乘所以示勸懲徵文獻也而顏師古曰中古以來說地理者多矣然則如書禹貢詩國風周禮職方氏所載山川貢賦謠俗貞淫以及丁男多寡之數大約皆釋地之書而後世作志之例實緣以始有天下者志天下遞及司府州縣皆得以其地之所有勒爲卷帙使博覽之士不出戶庭而周知九寓甚矣記載之不可以已也濮州有志舊矣先是爲崑山

濮州志

卷之一

邵序

七

張侯所撰凡十卷弗克傳所傳者明符卿北山李先生稿也北山前朝名宿所著述甚夥其纂州志發凡起例一準於史後此者無或訾泊

本朝張侯實斗續之郵侯玠再續之迄今蓋又四十餘年矣夫王者御極必世後仁我

國家當重熙累洽之餘淪民肌浹民髓此四十年來規制之更新戶口之繁庶風俗之移易忠孝節廉之由感而起已將書不勝書倘使闕焉未載則後有作者何由追蹟而考詳焉縉紳先生之東西行

過是州者何所採錄以備王會之盛余用是以滋思且夫今日之濮尤非可以昔論者矣舊爲東昌屬郡領縣三焉自

世宗改隸曹府簿書期會之事耳目維新是卽沿革之大

端也唐帝寢陵沈埋千載我

皇上以右文之治博稽掌故允廷臣之議崇祀伊始歲時祭告之文霜皇璀璨燦勒之貞珉負以靈囂典禮隆重小臣猶得與駿奔之班而甯敢失墜夫經畫區宇提衡禮樂

濮州志

卷之一

邵序

八

聖主之宏規也紀涓治徵舊典詢時俗之宜以存激揚之意司土者之責也歲甲戌余承乏是州適

郡憲周公有纂輯府志之役命所屬各以其志來彙余因念濮志闕畧延浙水孝廉柴君至幕與之晨夕考訂於舊則正之於新則增之凡例一仍原志不復有所更改第剗剔其成板而補鉅之兼取郵侯所續并入都爲六卷較前差整齊焉昔周官小史掌邦國之志鄭康成以春秋國語周志鄭書釋之外史掌四方之志則以晉乘楚檮杌魯春秋

釋之是志也其敢許入外史之掌哉亦曰四十年
來之文獻不致中斷庶幾畢記載之能事而已爰
於登梨之次弁數言於首知濮州事靜安邵世昌
撰


乾隆二十年十二月十五日

濮州志

卷之一

邵序

九



序

歲甲戌薄遊歷下徘徊於明湖鵲華之間擬輯其
山川風物以彷彿于欽齊乘而流覽不周未之逮
也濮州大夫邵公晤余而欲獻曰吾濮四十餘年
志紀闕畧吾甚思典制之或失墜山澤之靈勿耀
沿革之由罔悉而幽光潛德之不克表見也子其
騁妍抽秘爲余續而修之可乎余思夫作志之難
江淹言之矣非老於掌故則不能非熟於形勢習
其謠俗而不惑於鼠璞之談則不能非具良史才

濮州志

卷之一

柴序

十

如遷之文直而事覈固之文贍而事詳則又不能
三者無可恃其何以報命繼復念地之有志所以
備王會之盛而尊

朝廷也不褻爲可提褒貶之衡唯輿評之是準不
私爲可褻吾不敢家園千里如逃藜藿踉位其空
會何比昵私亦免焉不褻不私庶幾克勝此任乎
於是驅車至濮繙北山李先生原志崖岍而波瀾
類七國時所傳文諷誦者久之卽遵其凡何以爲
採輯之次南謁堯陵松楸蟠鬱堂斧巍然循雷澤

舜廟在焉卽曉然証東平之祀歷城之跡爲譌離
河濟水舊志從畧據水經則爲山川一考表形勝
也田賦芟前朝從今制重國憲也范觀朝舊在所
隸今隣矣凡義涉三縣并芟之準幅幘也官師科
第以次補學校兵防以事增觀政教昭揆奮也他
如忠孝節烈足垂不朽亦必從鄉耆老縉紳先生
公舉者書之不敢濫更不忍沒蓋幾一年而後授
剖氏非故緩也誠慎之耳夫浪游數年白雲南北
蘭亭禹穴夢寐尋之玉笥岫巒尙未及暮鳥篆而
捫螭碑焉乃欲於耳目之所不習握鉛持槩以議
論往古評隲當世縱琅函琳笈考訂有徵而求一
時賢達之無譏恐未必其有當也所可恃者無輕
心無阿好記載所及是則真是而非亦真非三代
直道之行意在斯乎則余之所以報邵公修志之
盛意而用以告濮之人士爲無愧也若夫因文見
義寓意褒譏入作者之林擬遷固之席此向者徘徊
歷下時已不敢自許矣是則前望北山先生而
慙然者也山陰柴揆硯舫氏序

濮州志

卷之一

柴序

七

濮州志序

昔王子歲蓋

聖天子御極之十一載也車書一統聲教覃敷猗歟治
化聿隆唐虞雍熙之盛於茲再覩矣猶以土宇版
章之餘天下郡邑志未登金匱石室之藏非所以
光至治也

特允 大學士衛公之請

勅直省詳查山川形勢戶口丁謠地畝錢糧風俗人物
疆圉險要照河南陝西通志款式纂輯成書送內

濮州志

卷之一

張序

十二

史彙爲一編進呈

御覽 撫公恭奉

俞旨下所屬州縣採輯余初聞是

命而喜憶余庚戌秋承乏濮陽甫蒞任之閱月生翁南

公爲余言濮陽志書久淪秦莽纂修之役誠不容
緩余以初筮仕錢穀諸務尙在竭蹶奚暇爲載籍
計然私心自抱嘗忤忤有志焉茲喜得遂志所未
逮且於案牘之隙搜羅簡編冀效鉛槧之工也旣
而徐思搜羅之難滋惧矣濮爲山左西偏界鄰

畿輔併豫屬羗邑明末慘遭兵燹斷簡遺編杳無隻字可考何所據而使流芳懿軌斤斤昭列暨前代之戶籍賦稅與

本朝絜量而定其損益之由也循墻熟審者久之爰謀之學博得遺編一帙余欣然樂文獻之不盡無徵因與在籍諸賢大夫及博洽宿儒參稽古今考訂因革載在舊編者不敢盡芟而丁徭田賦諸欸於

本朝獨悉志盛也是役也於此見土地之闢焉於此

濮州志

卷之一

張序

十三

見貢賦之復焉於此見生齒之繁庶焉於此見生聚教育之有道而閭閻之安阜人才之蔚起焉夫濮自明季以來閭閻之蹂躪載懼於先緣林之竊發繼見於後土田鞠爲茂草居民靡有子遺凋瘵之狀不堪繪述乃我

國家定鼎三十餘年昔之猷猷棄之禽饗草竊者漸次墾闢幾成繡甸錦塍矣昔之村落杳無烟火者茲星羅棋布俱登版籍矣昔之低偁載道者不特獲有安居之慶而并戶歌康阜矣且多士克生文

武奮起濮陽禮教之道今稱才藪焉此誠

朝廷德澤旁流教化翔洽有以救甯薰被所致然當時撫治諸公扶衰起敝又安救恤之功亦居多焉余幸廁其後因附珥筆之列脩搜其事勒入志書綴諸文獻之末是則余之責也夫時與余共參較董理者則學博孔君允標州倅李君襄猷暨日楷費幕也質哀考訂徵文徵獻者則鄉大夫湖廣左藩南公洙源建昌二守周公會隆鄆陽令王公孫洵進士李公元直孝廉蘇君金鉉與恩援趙君秉正

濮州志

卷之一

張序

十四

也其應博洽之選搜討見聞敷藻摘辭者則博士弟子熊子象健張子爾騰王子植之李子貺桑子行泰鞏子鉦王子運開也用知徵事考言非一二

人任而採輯表章繼述之功爲不容泯云

康熙十一年冬孟月
奉直大夫知濮州事三韓張實斗撰

序

古今人不相及而道傳事傳法戒昭然文字之功也

國有史郡邑有志天人相維之故至奧渺夥蹟矣圖
牒度數存焉虛可稽也實可錄也苟擅三長甯歎
四善哉易有之天在山中大畜君子以多識前言
往行以畜其德斯立文兼述作垂之爲不刊之書
若遐陬僻壤值文獻無徵之會孰能當此而愉快
者乎郡侯張公奉斯命集諸名賢於學官書院詢

濮州志

卷之一

南序

十五

世祖先帝錄用舊臣以次及余曰是舉也

上允輔臣少師兼太師曲沃衛公之請大一統之書也
願載筆以從余思丁丑歲太師携余同謁金門尋
分李北平陽平郡南北聲教時相聞今三十六年
公以冢揆立千秋大業余小子風塵歷落之餘數
骨猶存俾以蕸蕘佐高深或亦天寶逸民見未稀
乎美無容辭而實未敢任也聞之作史者鬼神矚
其旁是非隨其後旁觀者嚴於責備曰文必超乎
人不則弗稱擗管者苦於得謗曰事必徇乎人不

則弗免於議如是則事非敢任而竟弗克辭也亦

曰惟直惟公庶幾鬼神可質是非可憑也請約同

志曰志與史體殊而用一其事貴核其詞貴雅其

義貴正而嚴胡氏云史官以直爲職不諱國惡左

氏云大事書之於策小事簡牘而已欲其辨也疑

則不書誕則不書私則不書書賢不書貴如唐路

韋不載河陽三節度事跡於漢相陶薛等皆不立

傳不以位而蔑德也書信不書訛如晉趙瑩採累

代官婚名諱行業功勲狀必下藩侯郡牧核叙不

濮州志

卷之一

南序

十六

以僞而亂真也標人物之幟灑忠孝之魂褒節烈
之廬以及輿圖規制禮樂兵防貨殖文翰無不鱗
次成章其在斯乎然而俗尙紛矣遷固世官可再
覲乎楊子雲不能操觚而理況晉魏以下疇得謂
天理之所在不以爲己任而誰可乎方域之俗必
合眾論乃悉故於人物各有臧否於事類各有取
置義或創起文或特立惟郡侯折衷而定其歸焉
余也徑諒無學謹據耳目所及卽群耳目所共及
者約畧數章直書無諱文固鄙而未馴事則確乎

有據其獲諸人者風謠傳感無妄舉惧其疑也關
乎事者瑰異畸行無溢美惧其誕也涉乎已者非
勅命記銘無附入惧其私也倘任情無例或因嫌
沮善等陳壽之文畏威而曲加文飾貽劉琛之譏
敢乎哉所以報侯命廣相業凜

王

章順民情無愧臣子之義者此耳猶憶天台志一公

碑銘考云文章爲載道之器器存則道存器亡則
道歸於元始古人以道傳之竹帛弗久則傳之嘉
木弗久則傳之良石石之或弗久久之或弗傳必

濮州志

卷之一

南序

十七

其道有弗尊文有弗古書有弗信也今取事類之
散見於史於記於傳於野者而考之索之收之蓄
之區而別之備而錄之足一郡之文獻垂一代之
法戒獻諸

賞

播之國人爲載道可久之器皆侯與諸名賢之績

也若書不盡言言不盡意由今覽昔亦煩考辨後
之視今亦冀尙論其事知其意或欲竹帛木石之
無復淪變也可勿搜山海之藏濯映雪之鑑乎古
不與封禪屬乎後則曰無忘吾所欲論著者矣終

非奧渺而莫考也二氣乘除五行協應天道存焉
敬奉之云爾

康熙十二年三月十五日

郡人南洙源謹識

濮州志

卷之一

南序

十八

濮州續志原序

按州志壬子之修蓋

今上御極之十有一年也自壬子至庚寅又三十有八年矣時移事易纂續無聞郡憲龍眠孫公蒞任之明年以前事者後事之師已往者將來之監三十八年之事蹟弗傳卽三十八年之是非不著或貽事人則湮信疑莫辨之患移檄州縣令徵老學宿儒文行兼優之士續輯纂修且戒以矢公矢慎勿爲徇情之予勿爲溢美之稱據實直書誠以實

濮州志

卷之一

郵序

十九

心徵實事之至意也玠敬承憲命恪慎從事乃同廣文蘇君元行李君澗別駕程君肅祐功曹吳君揚延本郡博雅通儒任君煥輩八人採訪覈實如前志所詳疆宇輿圖山川人物無庸復贅者槩勿重複專取壬子以後事蹟嚴爲考訂詳著田賦變易之由戶口增益之數若孝行若節烈則必生事葬祭盡禮盡誠歷艱茹苦之死靡他黨里共推者載之若隱德若懿行則必慷慨任卹非由矯強立心持己不媿幽獨日久論定者載之興建則必有


關民社補遺則必不堪磨滅至於書水旱著民疾也紀災異示天變也意甯刻而勿恕論甯嚴而勿寬文甯樸而不耀事甯簡而不煩用以繼往不慮或墜予以昭來庶其有憑五閱月而事竣犁爲上下兩卷附於原志之末藉以傳信弗致無徵以仰慰郡憲實心徵實事之至意因述其緣起如此康熙五十年春二月奉直大夫知濮州事河中到玠撰

濮州志

卷之一

郵序

二十



序

或有問於余者曰州之有志與國之有史也同乎否余應之曰固有所謂同者以表紀載之美而亦有所謂異者以明直筆之嚴傳信而不傳疑論公而不計私嘉言懿行聞者興起燦若列眉昭昭可攷者此其所同者也若夫善惡並載忠佞兼書以數大事之得失卽以定一代治亂興亡之機垂法戒於毫端寓勸懲於言外微顯聞幽筆無漏義史則有焉夫志也者紀功而不紀過載賢而不載不

濮州志

卷之一

任序

三

肖可法可傳者則書之而宜鑒宜戒者則弗書焉而其所以勵人以賢而勉於可法可傳之意未嘗不見之言外也攷吾州之志自唐虞三代漢唐宋元以來其歷代沿革疆宇古蹟風土人物屬在濮陽等項曩哲先達亦旣詳哉言之而又何容贅乎念自十二年以來歲月日增人事頓易箕山濮水鍾靈結秀不無傑士之奮興所宜記載以示激勸之端天地正氣之流行不無得之而爲節爲孝所宜表揚以樹浮靡之型且也運數無常天意莫測

不無災祲之降水旱之加以煩人事之補抹此盛

德仁人留心治道軫念民瘼者所由宵旰圖維慰而不釋於懷者也余也謬側斯役惴惴難安不勝蚊蠅負山之恐憶夫楚以櫓杙名編晉以乘載取義魯國之史號曰春秋我夫子卽其書而筆削之以布衣而代二百四十二年天子之權炳尊王之大義寓褒貶於微言一字之褒榮於華袞一字之貶嚴于斧鉞然而予奪維公知罪是懼蓋慎之也苟其當此而罔愼焉則燕爲郢語而亦信井蛙市虎之不疑是亦聖人之罪人矣余也謬抒管窺之見以俟博雅之君子郡後學任煥謹序

濮州志

卷之一

任序

二十二

舊志序

賜進士及第吏部侍郎翰林院侍講學士郡人李廷相撰郡有志猶國有史所以總事實齊耳目推是非而昭勸懲蓋其重哉吾濮自三代以前聲爲鍾靈啓聖之墟故顓頊都焉虞舜寓焉迺後王公大人出焉要亦未始弗重顧其地代受黃河衝噬之患我明正統戊辰河決逾甚於是幾亡濮矣景泰辛未秀水毛侯徙治王村郡雖復故而文獻乃蔑以徵君子病焉正德中餘千李侯亟欲補修郡志會遷

濮州志

卷之一

序

三

泉州同知弗果嘉靖癸未崑山張侯寔踐厥任植善鋤姦振遺興滯不一二稔郡以亡事聞乃議成缺典上下胥協於是走書幣致前進士鄧君文度于吳屬之撰次而侯復時與揚權而是正謂歷代因革弗一而郡亦因之變易故志先建置沿革歷代疆宇弗一而郡亦因之廣狹故志次疆域星度所以爲一郡之應於是有分野志焉山川所以爲一郡之望於是有山川志焉衛民必資於險於是

有城池志焉居民必受之廬於是

坊市以旌淑賈物志官宇以出政辦等志津梁以涉徒通陸志戶口以驗繁耗志田賦以載徵藝志食貨以稽財力志土產以辨所宜志風俗以定所尙志職官以紀建置志學政以宣文教志武衛以飭武功志祀事以明神志帝系以肇基志衛人以砥郡不得專志郡人以砥地有所重民之休戚守令繫焉故歷宦有志士之榮進科貢繫焉故選舉有志志恩例以見用人非一途志寓人以見居郡非一類志災異所以砥警于將來志古蹟所以懷芳于往日陵墓必志俾過者式焉寺觀亦志俾感者曉焉乃若集文之志備載古今所綴蓋以徵文獻而考故實有弗可遺者焉志凡三十釐爲十卷將鉅梓以傳乃侯以內艱去及予繆佐南銓侯乃以成帙見眎且屬予叙諸首乃用僭伸其意以復于侯且以慶吾濮之有遭也

嘉靖丁亥上元日

濮州志

卷之一

序

三

濮州志序

濮州志者州人北山李公之所修也李公自解組歸大有著述流播海內固已炳炳琅琅稱豔文囿矣而近復修是書成夫任重道遠者大車之所致用也過都越國者駮駟驛驢之所有事也以公之才之養固宜宏受而隆施而茲局一州事將奚以當其所素蓄哉顧予嘗睹公之往矣公自舉進士入西曹爲符臺近侍讀書好古所交盡一時名士聲華嶽嶽不可掩抑逮逋迴於仕版而去則益窮

濮州志

卷之一

序

三五

搜肆討上下古今延該諸體大放厥詞而至自志其地則又斤斤明著如此起例辨方畫圖徵事于去取嚴于摘撫廣援理疏融摘辭邈達而眎時所稱志唯雜謗陋諸習若盡剗而后已是不秣苑之鴻裁而紀錄者之先登也乎固知兼才博識靡施不宜矣昔劉正記京口顧徵記廣州王韶之之始興山謙之之丹陽諸志例至眾多也皆垂之永永爲鏡來葉公是志行而后得以攷見則公之平生皆可不眊嘿於世不特濮陽之載焉而已是固無

嫌于局方也故爲蕪言以引諸首志凡六卷成于萬曆九年之冬志有附北山野史傳其所以自本者悉矣

萬曆壬午歲春季月

賜同進士出身中憲大夫貴州按察司提學副使前翰林院國史檢討順陽李菱頓首拜撰

濮州志

卷之一

序

三六

李少卿舊志凡例

一舊志沿革星野俱無圖考今補出

一田賦徭役新奉撫院文移更置重訂如式

一舊志歷官錯落今有序表賢者有別傳

一舊志郡人總一卷今分孝友等十四傳其烈女

雜入各代人中今摘出

一舊志人物傳中散列不便考閱今據同族合傳

如李文定諸子姓俱在文定傳中他放此

一舊志不載王言今補出

濮州志

卷之一

凡例

二十七

一舊衛人志今如故

一舊志高沐李正已等雜入歷官傳今摘作外傳

一凡添入古事及探今事俱出典籍所載公論所

同不敢輕紊一字

一凡時事小序有不明不公者有不逮者幸教正

補益之

一鄉賢名宦傳中雖先達各稱名遵舊例也至小

序則稱公尊之也

一詩文先達望重者事雖不干郡中亦錄存羊之

義也如李文定張乖崖所作是也其時名採附者眾飾大體壯板籍也

濮州志

卷之一

凡例

二十八

續志凡例

一舊志沿革葉氏續山東攷古錄多駁正今補錄之所以證得失也

一田賦舊志已詳惟濮自成同以來水患迭經疆理重闢賦役遂多變更至於保甲戶口屯衛租稅亦皆舊志所未及今并附入之

一舊學校志學額學田均未載今悉補入

一舊志無典禮一門堯陵祀典邵修附見王言今爲補增

濮州志

卷之一

續凡例

三

一舊志鄉賢一編政績附內今仍依舊例而於提綱下註明

一舊志明經必經術湛深者始得錄今仍前例而附文苑於其後俾著作有據教授多才者皆得類及焉

一舊志隱德舉善行醫術胥渾括其中今聊示區別隱德居先懿行次之方伎又次之仍附本門所以昭源委之意云

一舊志無壽耆今依通志例補增所以表人瑞也

一舊志鄉賢名宦諸傳續修者多稱某公今概不遵所以守史例也

一他志乘各類大抵小序在前濮舊志則皆作論說移後今仍仿之所以循故轍也

濮州志

卷之一

續凡例

三十

